



**CULLEREDO**  
CONCELLO

(R.E.L. 01150315)

Código do documento	Código do expediente
UEH12I0060	UEH/2018/34
Código de Verificación Electrónica (COVE)	

363W 1Q61 3E2Z 4650 0104

RBF

## CONVENIO DE COLABORACIÓN ENTRE O CONCELLO DE CULLEREDO E O "CENTRO SOCIAL LEDOÑES".

Culleredo, a 6 de setiembre de 2018

REUNIDOS

Dunha parte o Sr. alcalde-presidente do Concello de Culleredo, D. José Ramón Rioboo Castro, asistido pola secretaria xeral municipal Dona M<sup>a</sup> de las Nieves Fuentes Bermejo, que actúa como fedataria da formalización do presente convenio, no exercicio da función de fe pública, de conformidade co que dispón o artigo 2. i) do Real Decreto 128/2018, de 16 de marzo, polo que se regula o réxime xurídico dos funcionarios da administración local con habilitación de carácter nacional.

E doutra parte D Miguel Ángel Boga Alves con DNI en calidad de vicepresidente do Centro Social Ledoñés, con sede social no lugar de Ledoño, nº 66, e CIF: V15146343

Previa manifestación do sr. Miguel Ángel Boga Alves, de subsistencia do cargo co que actúa así como das facultades das que fai uso, as partes participantes recoñécense mutuamente a capacidade suficiente para a válida celebración deste convenio, e

MANIFESTAN

C.I.F. P-1503100-H

Primeiro.- O Regulamento Orgánico de participación cidadá do concello de Culleredo (BOP nº 29 de 04 de febreiro de 2008), recolle no seu artigo 55 a vontade municipal de fomentar e apoiar o asociacionismo e o voluntariado, para conseguir que as asociacións cidadás poidan desenvolver as súas actividades con plenas garantías o Concello colaborará coa achega de recursos para promover a realización das súas actividades.

Segundo.- O Concello de Culleredo ten competencias en materia de promoción do deporte e instalacións deportivas e de ocupación do tempo libre, así como na promoción da cultura e equipamentos culturais conforme ao previsto na Lei 7/1985, reguladora das bases do réxime local.

Terceiro.- Que o Concello de Culleredo, considera de interese xeral a petición dos veciños de Ledoño de continuar coa realización das actividades que se desenrolan na parroquia, e de colaborar coa asociación existente na mesma.

Para a consecución destes obxectivos de interese xeral o Concello de Culleredo busca liñas de cooperación coas entidades asociativas e desenvolve os programas necesarios para a execución da política municipal neste ámbito.

Cuarto.- Que as bases de execución do Orzamento xeral para o exercicio 2018 do Concello de Culleredo, establecen no seu punto 21.2 Subvencións nominativas, a previsión dunha subvención á sociedade "Centro Social Ledoñés".

En virtude do exposto, as partes que interveñen acordan formalizar o presente Convenio de colaboración, de conformidade coas seguintes:

CLAÚSULAS:

I.- OBXECTO

O presente convenio ten por obxecto establecer as bases de colaboración entre o Concello de Culleredo e a entidade asociativa "CENTRO SOCIAL LEDOÑES" (en adiante entidade beneficiaria) para o financiamento dos gastos de mantemento do centro da súa propiedade.

1 de 5



**CULLEREDO**  
CONCELLO

(R.E.L. 01150315)

Código do documento	Código do expediente
UEH12I0060	UEH/2018/34
Código de Verificación Electrónica (COVE)	
	363W 1Q61 3EZZ 4650 0104

## II.- COMISIÓN DE SEGUIMENTO.

Para o seguimento deste convenio e dos seus fins poderá crearse unha Comisión mixta de carácter paritario, na que estarán representados, por parte do Concello de Culleredo a concelleira delegada de Educación, Cultura e Participación Ciudadá e a concelleira delegada de Conservatorio e Participación Ciudadá e, por parte da entidade beneficiaria, o seu presidente e un/unha representante da xunta directiva da entidade.

As funcións desta comisión concrétanse en:

- Facer un seguimento do cumprimento dos contidos contemplados nas cláusulas deste convenio.
- Revisar os acordos actuais e dar o visto e prace ás addendas que puidesen sumarse a este acordo.
- Representar os intereses do Concello de Culleredo e da entidade beneficiaria relativos ao contido deste convenio ante as institucións públicas ou privadas coas que sexa preciso relacionarse para a consecución dos obxectivos.
- Coordinar as accións a implementar para dar cumprimento aos fins deste convenio.
- Formular cantas propostas sexan necesarias para enriquecer e mellorar o obxecto deste convenio.

## III.- COMPROMISOS DAS PARTES.

A entidade beneficiaria adquire o compromiso de adicar as súas instalacións á realización de actividades que redunden no lecer dos veciños.

O Concello de Culleredo pola súa banda comprométese a realizar unha achega económica por un importe máximo de 500 euros anuais, con cargo á partida orzamentaria 9241-48900, destinada a colaborar co mantemento das instalacións.

## IV.- FINANCIAMENTO MUNICIPAL E OUTROS INGRESOS QUE SE OBTEÑAN OU APORTEN PARA A MESMA FINALIDADE

1. O Concello de Culleredo contribuirá ao financiamento do mantemento das instalacións e das actividades realizadas pola entidade beneficiaria cunha achega máxima de 500 €. No caso de que o gasto xustificado non acadase o importe total previsto na antedita cláusula, o Concello só achegará o importe da cantidad efectivamente xustificado.

2. A subvención do Concello de Culleredo é compatible coa percepción doutras subvencións ou axudas, públicas ou privadas, que a entidade beneficiaria obteña para a mesma finalidade, sempre que o seu importe, xuntamente co da subvención municipal, non supere en ningún caso o importe total do gasto efectivamente xustificado.

## V.- GASTOS SUBVENCIONABLES. CONTRATACIÓN E EXECUCIÓN.

Consideraranse gastos subvencionables, aqueles que de maneira indubitada respondan á natureza da actividade subvencionada, resulten estritamente necesarios e se realicen no prazo establecido neste convenio.

O outorgamento dos contratos de servizos, asistencia ou subministros necesarios para a execución da actividade corresponderalle á entidade beneficiaria. Non se poderá contratar a realización de prestacións con persoas ou entidades vinculadas á entidade beneficiaria, nin con calquera outra na que concorra alguma das circunstancias ás que se refire o artigo 29.7 da Lei 38/2003, de 17 de novembro, Xeral de subvencións.

## VI.- PUBLICIDADE DO FINANCIAMENTO LOCAL.

2 de 5



**CULLEREDO**  
CONCELLO

(R.E.L. 01150315)

Código do documento	Código do expediente
UEH12I0060	UEH/2018/34
Código de Verificación Electrónica (COVE)	
	363W 1Q61 3E2Z 4650 0104

Na publicidade na que se dea a coñecer a realización das actividades realizadas pola entidade beneficiaria, ben sexa por medios escritos, radiofónicos, audiovisuais ou internet, deberase facer constar sempre o financiamento do Concello de Culleredo.

#### VII.- A XUSTIFICACIÓN NECESARIA PARA RECIBIR A ACHEGA LOCAL.

A subvención farase efectiva unha vez presentada a xustificación de ter gastado no mantemento do local unha cantidade igual ou superior á concedida.

A entidade beneficiaria deberá achegar

- Relación clasificada dos gastos realizados nos conceptos finanziados, na que se indiquen os acredores co seu NIF/CIF, os documentos xustificativos e os importes e datas de pago. Con esta relación achegaranse os orixinais ou copias debidamente compulsadas das facturas e demais xustificantes de gasto. As datas dos xustificantes do gasto deberán estar comprendidas entre a data de inicio e fin do período de execución das actividades establecido na Cláusula VIII.
- Acreditación do cumprimento das obrigas tributarias e coa Seguridade Social, segundo o previsto na cláusula NOVENA.
- Declaración doutras axudas ou subvencións solicitadas ou concedidas para a mesma finalidade. No caso de percibir outras axudas ou subvencións, haberá de acreditar que as axudas ou subvencións percibidas non superan o gasto realizado.
- Certificación da conta bancaria, onde se ingresarán a axuda.
- Proba do cumprimento das obrigas assumidas na cláusula SEXTA, mediante a achega de documentos nos que conste a publicidade do financiamento por parte do Concello de Culleredo.

C.I.F. P.1503100-H

A vista da documentación xustificativa presentada pola entidade beneficiaria, os responsables da unidade xestora emitirán un informe acreditativo da realización da actividade e do cumprimento da finalidade que determinou a concesión da subvención.

#### VIII.- TERMO PARA A REALIZACIÓN DAS ACTIVIDADES E PRAZO DE XUSTIFICACIÓN.

1. As actividades que son obxecto de financiamento, tal como están descritas neste convenio, deberán estar executadas entre o 1 de xaneiro de 2017 e o 30 de setembro de 2018.
2. Unha vez rematadas as actividades, e en todo caso antes do 30 de outubro de 2018, a entidade beneficiaria deberá presentar a xustificación documental á que se refire a cláusula séptima.
3. De conformidade co disposto no artigo 70.3 do Regulamento da Lei de Subvencións (Real Decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a Unidade xestora remitiralle un requerimento á entidade beneficiaria para que a presente no prazo improrrogable de quince días. A falla de xustificación da subvención neste prazo excepcional implicará a perda da subvención e demais responsabilidades previstas neste convenio e na lexislación aplicábel ao respecto. Aínda así, a presentación da xustificación neste prazo adicional non eximirá á entidade beneficiaria da sanción que, de conformidade co disposto na Lei de subvencións, lle poida corresponder.
4. O abono da subvención materializarase mediante ingreso na conta da entidade financeira indicada pola entidade beneficiaria na documentación aportada. E se tiveran transcorrido máis de catro meses desde a axeitada e correcta xustificación dos compromisos adquiridos sen que tivera cobrado o importe que lle corresponda, a entidade



**CULLEREDO**  
CONCELLO

(R.E.L. 01150315)

Código do documento	Código do expediente
UEH12I0060	UEH/2018/34
Código de Verificación Electrónica (COVE)	
	3 63W 1Q61 3E2Z 4650 0104

beneficiaria terá dereito ao abono dos xuros de demora, ao tipo de interese legal, que se devengue desde a finalización do prazo de catro meses ata o momento no que se faga efectivo o pagamento.

**IX.- ACREDITACIÓN DO CUMPRIMENTO DAS OBRIGAS TRIBUTARIAS E COA SEGURIDADE SOCIAL.**

1. A entidade beneficiaria deberá acreditar, con carácter previo á sinatura deste convenio e logo, con carácter previo ao pago da subvención, que se atopa ao día no cumprimento das obrigas tributarias coa Administración do Estado, coa Comunidade autónoma e coa Seguridade Social. E para tal fin poderá autorizar ao Concello de Culleredo a que obteña telemáticamente os correspondentes certificados.
2. A acreditación do cumprimento das obrigas tributarias co Concello de Culleredo determinarase de oficio por este.

**X.- DESTINO E MANEXO DOS FONDOS RECIBIDOS.**

1. A entidade beneficiaria destinará os fondos recibidos ao pagamento dos xustificantes de gasto presentados.
2. Co fin de garantir un axeitado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do perceptor.
3. Sen prexuízo dos libros e rexistros contábeis que as normas xerais ou sectoriais lle poidan impor, a entidade beneficiaria deberá contar polo menos cun rexistro cronolóxico de cobros e pagamentos nos que se inclúan, entre outros, os relativos aos gastos xustificados e aos ingresos declarados con respecto o esta subvención.

**XI.- CONTROL FINANCIERO DO CONCELLO DE CULLEREDO E DOS ÓRGANOS DE CONTROL EXTERNO.**

1. Consonte ao disposto nos artigos 44 e seguintes da Lei 38/2003, de 17 de novembro, Xeral de subvencións, e nos artigos 41 e seguintes da Lei 9/2007, de 13 de xuño, de Subvencións de Galicia, a entidade beneficiaria poderá ser escolleita pola Intervención municipal para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de tódalas demais obrigas formais e materiais que lle impón o presente convenio de colaboración.
2. Asemade, de acordo co previsto na lei 6/1985, de 24 de xuño, do Consello de Contas de Galicia, a entidade beneficiaria queda sometida aos procedementos de fiscalización que levan a cabo o Consello de Contas de Galicia ou, no seu caso, segundo o previsto na Lei orgánica 2/1982, de 12 de maio, aos procedementos de axuizamento contábel que poida incoar o Tribunal de Contas, e a calquera outro órgano de control, nacional ou europeo.

**XII.- REINTEGRO, INFRACCIONES E SANCIÓNIS.**

1. O incumplimento dalguna das cláusulas previstas no presente convenio de colaboración poderá conllevar a obriga de reintegro parcial ou total dos fondos recibidos, así como ao pago dos xuros de demora que se devenguen desde o día no que se realizou o pago ata o momento no que se acorde a procedencia do reintegro.
2. Sen prexuízo do anterior, dito incumplimento tamén poderá ser constitutivo dalguna das infracciones tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, sénolle de aplicación o cadre de sancións previstos nas normas citadas.

**XIII.- INCORPORACIÓN AO REXISTRO PÚBLICO DE SUBVENCIÓNIS E PUBLICACIÓN DA SUBVENCIÓN CONCEDIDA.**

1. No cumprimento do disposto no artigo 20.1 da Lei 38/2003, xeral de subvencións, e demás normativa de desenvolvemento, os datos da subvención concedida e a identificación da entidade beneficiaria serán remitidas á



**CULLEREDO**  
CONCELLO

(R.E.L. 01150315)

Código do documento	Código do expediente
UEH12I0060	UEH/2018/34
<b>Código de Verificación Electrónica (COVE)</b> 	363W 1Q61 3E2Z 4650 0104

- Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista en dito precepto e co debido respecto á protección dos datos de carácter persoal, segundo o previsto na Lei orgánica 15/1999, de 13 de decembro.

2. Segundo o previsto no artigo 18 da Lei 38/2003, de 17 de novembro, Xeral de subvencións, a concesión da subvención á entidade beneficiaria será publicada no Boletín Oficial do Provincia da Coruña e na páxina web: [www.culleredo.es](http://www.culleredo.es).

#### XIV.- VIXENCIA DO CONVENIO E MODIFICACIÓN.

1. O presente convenio de colaboración producirá efectos desde a súa sinatura e conservará a súa vixencia ata o día 31 de decembro de 2018.

2. Tamén por acordo expreso de ambas as dúas partes e por causa debidamente xustificada, e previos os mesmos informes indicados no apartado anterior, o convenio poderá ser obxecto de modificación.

#### XV.- NATUREZA, INTERPRETACIÓN, MODIFICACIÓN E XURISDICCIÓN COMPETENTE.

1. O presente convenio ten natureza administrativa e para resolver as dúvidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de Subvencións, e na Lei 9/2007, de 13 de xuño, de Subvencións de Galicia. Supletoriamente aplicarase a lexislación de contratos do sector público.

2. A interpretación das dúvidas e lagoas que poidan xurdir na aplicación do presente convenio corresponderalle ao Presidente do Concello, previos os informes técnicos.

3. Correspondelle aos órganos da xurisdición contencioso-administrativa, segundo a distribución de competencias prevista na Lei 29/1998, de 13 de xullo, reguladora de dita xurisdición, o coñecemento das cuestións litixiosas que poidan xurdir como consecuencia do presente convenio.

E en proba de conformidade asinan por duplicado exemplar o presente convenio no lugar e data indicados no encabezamento.

C.I.F.P-1503100-H

O REPRESENTANTE DO  
CONCELLO DE CULLEREDO

Asdo. José Ramón Rioboo Castro

Ante min  
A SECRETARIA XERAL ACCIDENTAL

Asdo. M<sup>a</sup> de las Nieves Fuentes Bermejo

O REPRESENTANTE  
DO CENTRO SOCIAL LEDOÑÉS

Asdo. Miguel Ángel Boga Alves